

تاریخ هجری ۱۳۳۲

نومرو ۲۶

تاریخ رومی ۱۳۳۰

صاحب امتیاز و مدیرمسئولی
حسین شعی

۱۸ جمادی الاخری

خبر اکلام

سرمدری :
احمد شیرانی

۱ مایس

قل الحیر والافاسکت

دین روضه خدمت، عزم خالصه مید بخشبه کوندری نشر اولنور اسلام انبردر

علم و سعی

نه غریبدر که اعصار اخیرده بز مسلمانلر
حیاتجش اولان بوتون اساسات اسلامیه نك هب
عکسنه حرکت ایتشز . دین اسلامك اصل
واساسلری اولان قرآن حکیم واحادیث نبویه
تحصیل علم و معرفتی شدتله توصیه وامرایلدیکی
حالده بز بیابان جهالت ونادانی به صابشز . تحصیل
وکسب عرفانك فرض اولدیفنی اونوششز .
بشرقی ، بهیمیدن تفریق ایدن فصل میز ؛
نطق و ادراك اولدیفنی کی کازارمدنیقی ؛ خارستان
وحشتدن آیران خاصه میزه دخی زیبای علم
وعرفان اولدیفنی هیچ خاطره کتیرمه مشز .
حرف وصنایعه اك لازم اولدیفنی درجده اعتبار
ایدرك آنلره شرف و یرن ؛ شریعت احمدیه
اولدیفنی حالده وقیله طنون باطله به قابیله رق صنعت
و حرفی و بنا علیه مساعی صنایعینی بز زمانلر
منفور و مستکبره کورمش اولان اوروبا اقوامندن
بیکلرجه فرسخ مسافده کیری قالدق . بر هیئت
مدنیه ایچنده ارباب حرف وصنایعك ، اصحاب
زراعت و تجارتك موقعنی اصلا ادراك ایدمدك
عسکرلك ایله مأموریتدن ناشقه مسلکلی دایما
محقر عد ایتدك . اوله زمانلر اولدی که تاهل
ایتمك ایستیان برکنجك بالکزمأموریتی ومعاشی
نه اولدیفنی صورولوردی طالب ازدواج اولان
کیسه صنعتکار ویا تاجرایسه برچهره متبسانه
ایله قازیلایردی .

حالبوکه بوسویه واعتبادده بولونان خلقت
متمسك و معتقدی اولدیفنی ادعا ایلدیکی دین
مبین اسلام باقکمز نه دیبور اصحاب کرامدن
عبدالامین مسعود حضرت رسول اللهدن شوحدی
روایت ایدیبور « طلب الکسب فريضة على كل
مسلم ومسلمة » حرف وصنایعدن برینه تشبث

ایله استحصال ثروت ایتك ادراك ، قادین ، هر مسلم
اوزرینه فرضدر « دیمکدر . دیگر برحدیث
علی نبویه دخی « طلب الکسب بعد الصلاة
المکتوبه » وارد اولمش و اهل اسلام ایچون
فرض اولان صلواتك عقبنده فريضة استحصال
ثروت کلدیکی بیان بیورلمشدر . ارتحال نبویدن
صکره « خلفاء راشدين » عنوانیله مقام خلافتی
احراز بیوران ذوات امر تجارت وکسب ثروت
ایله اشتغال بیورلردی . مجتهدین اسلامیه نك
سر آمدانندن بولان محمدبن حسن حضرتلرندن
تقلاً محمد بن سماعه « طلب الکسب فريضة كما
ان طلب العالم فريضة » یعنی « تحصیل علم ناصل
فرض ایسه تحصیل ثروتده فرضدر ، دیشدر .
بواقادادن اکلاشلدیفنه کوره شریعت
اسلامیه ؛ حرف وصنایعه فوق العاده اهمیت و یرمش
وحتی آتی نماز قیلمق ، تحصیل علم ایتك
درجه سنه جبقارمشدر .

کتب فقهیه دن « خلاصه ده » تجارت ،
صناعت ، زراعت کی انواع مختلفه کسبک مساوی
اولدیفنی و هیچ برنی دیگره ترجیحه محل اولدیفنی
کوسترلمش و بوبابده علما وفقهای اسلامیه نك
هان متفق اولدقلری بیان ایدلمشدر . نظر
شرعشریفده تجارت معتبردر زیرا حدیث نبویه
« التاجر الامین الصدوق المسلم مع الشهداء
يوم القيمة » بیوریلهرق معاملاتنده صدق واستقامتله
حرکت ایدن مسلمان تاجرك روز قیامتده شهدا
زمره سندن اولاجنی بیلدرلمشدر .

زراعت و حراثت معتبردر ؛ چونکه انبیای
سالفه و اکابر امت آنکله اشتغال ایتشدردر .
صناعت مرغوبدر ؛ حدیث نبویه « الحرفة
امان من الفقر » بیوریلهرق حرف و صنایعك
آتش فقر و احتیاجه قارشو باعث امن واستراحت
اولدیفنی کوسترلمش وصنعتنه تشویق بیورلمشدر

تاریخچه حیاتی ؟ برات مجاهداتی ؟

خیر الکلامك كاتب گفته :

أودت ، مقاله مك سر لوحه سنی انتخابه
بك متردد ایدم . بر غزته كه : يالكز مجاهدات
متاديه ايله تعقيب ايستدكي غايه مقدسه دوعرو
بك تهللكلى اوچورومار ، مانعمر حتى آشمار
اوزردن آتلايه رقى اوچ بوز آلمش بش كونلك
بر مسافه قطع ايتش .

بر غزته كه : هئت اجتماعه منرك الك مهم بر
عضويتك فخرى دعوى وكالتى درعهده ايتش ،
واو عضو مهم ساقطى صيات ايتك ايچين هيچ
بر فداكارلقدن چكينه مش . وبوفداكارلقارى
بيوكلكلرى سكر تحيفه لك بر « تاريخچه حيات »
ياخود « برات مجاهدات » ايله ارباب انصافك
انظار منصفانه رينه عرض ايدييور .

بن بو برات مجاهداتك تحائف كره ناكلى
كوزدن كچيرركن ، جهنمى كونشمار آتنده
يانان قوملى بر واحده بر قطره حيات ايچين
سرايله قوشان وكنديسنه دست تعاونى اوزانه حق
انسان بوله ميان تشنه لب بر سياحك حزن انكيز
دعالرنده كي دلسوز نغمه لرى ، زمزمه لرى
دويدم واوقودم .

صوكرا بو عزيمكار سياحك محيط هيچيدنى
دوشوندم ، و :

او ناصل بر محيط بنى انصاف

اوكا ، كار ايتيموردى ، زير لاف

ديمكدن جبر نفس ايدمدم .

اوموز لرئده يو كنديدكى وظيفه نظيفه مك
آغرانى ، دماغنده ، دوشونديكى غايه علويتك
باراهميت وعظمتيله او آتئين وصامت واحه لرده
فرياد ايدن بو روح نالشكاره ، بو سياح يداره
نه قدار آجيدم .

بونر كى سى وعملك قدر ومزيتى اعلام واعلان
ايدن بر جوق آبت كريمه وآثار جليله واردر .
شوقدر كه شريعت اسلاميه استحصال ثروت
واكتساب مال دنيا خصوصنده بر نيت ومقصد
توصيه ايتمكده دركه اوده اكتساب اموال دنيو به
رغبتك يالكز سعادت دنيو به استحصال ايچون
دكل بو واسطه ايله سعادت اخرويه مك الده
ايدلسنى تأمين ايچون اولميسدر ، تحصيل ثروتك
يالكز نفسى قطع مين ايچون دكل رضا بازى بنى
استحلاب ، كلمه الهى اعلا ، شوكت اسلاميه مك
تعاليى ، اقربا وتعلقاته مؤسسات و ارباب
فقر واحتياجه معاونت كى مقاصد عاليه ايله
وقوع اولميسدر هله اجراى شر ومفسدت وافتخار
واغترار ايچون استحصال ثروته چالشمق حرامدر .

سى وعمل خصوصنده بوقدر او امر شديد
ويرن دين اسلامك سالكلارى ديار اسلامك
اوقاب قارارتان . يوز صارارتان عطائخانه لرندن
اخلاق اسلاميه بنى چوروتن سفاخانه لرندن يعنى
قهومخانه لرندن قالمق مادقلىرى ، الك مقدس كتابلرى
اولان قرآن عظيم الشانك طبعى ايچون ايجاب
ايدن كاغذلى وهيج اولماز سه رحمت رحمانه
توديع ايديلان اولولر بئتك كفلىرى اعمال
ايدمك فابريقه لرى بيله ال برلكيله وجوده
كتيره مدكلرى انسان كورونجه بو عجب تضاده
بو غرب ترسلدكه حيرت ايتمه مك ممكن دكلدر .
اهل اسلامك انحطاط وتدنى صناعى واخلاقيسه
سببت ويرن بوتضاد غربيك اسبابى كله جك
مقاله مزده موضحاً بيان ايدمكدر .

حسين شمعى